

此時樂兮薄由我恩龍漢蕩蕩何能別真我界難度故作洞文
變化飛空以試爾身成敗懈退度者幾人笑爾不度故爲歌音
第三无色界魔王歌曰

自皓庭霄度天至秀樂禁上天爲无色界四天謂在色界之
上故云第三魔王諱韶

三界之上眇眇大羅上无色根雲層峩峩唯有元始浩劫之家
部制我界統承玄都有過我界身入玉虛
身入玉虛證大洞爲仙真也

我位上王匡御眾魔空中萬變穢炁紛葩保真者少迷惑者多
仙道難固鬼道易邪人道者心諒不由他仙道貴實人道貴華
道藏輯要 度人經法 叁 亢集七 明上川

爾不樂仙道三界那得過其欲轉五道我當復奈何

三界歌章乃魔王所述皇人所書道君所紀非二章也

此三界之上飛空之中魔王歌音音參洞章誦之百遍名度南
宮誦之千遍魔王保迎萬遍道備飛昇太空過度三界位登仙
公

玄師曰此是誦三界魔王歌章非二章也

敬形章

有聞靈音魔王敬形敕制地祇

成文

至受鍊更生三十二字敕制地祇之文黑書勅當處土地令
敬迎誦章學士也

侍衛送迎某人拔出地戶五苦八難七祖昇遷永離鬼官魂度

朱陵受鍊更生成文挑

玄師曰心形皈信諦聽誦者遂獲九品善果赦制乃元始天尊所降玉晨道君所述

是謂无量普度无窮有祕上天文諸天共所崇泄慢墮地獄禍及七祖翁

天寶章

道言此二章

按大法玄師曰二章者前章自元始洞玄靈寶本章至列言上清是一章也後章自元洞玉歷至辭參高真是二章也三

道藏輯要

度人經法

卷三

九集上

界歌章非二章止是魔王所述

並是諸天上帝及至靈魔王隱祕之音皆是大梵之言非世上常辭言无韻麗曲无華宛故謂玄奧難可尋詳上天所寶祕於玄都紫微上宮依玄科四萬劫一傳若有至人齋金寶質心依舊格告盟十天然後而付焉

傳付授受之條上天之科立四萬劫乃舊劫之格

十天東方九炁青天南方三炁丹天西方七炁素天北方五炁玄天東北東南西南西北四炁炁天上方一炁昊天下方一十二炁皇天告盟十天大券朱書面乎十天而分之